

Cofnodion Cyfarfod Cynqor Cymuned Llanfihangel Ystrad a gynhaliwyd ar Nos Fawrth, 11eg Chwefror, 2020 am 7.30pm yn Neuadd Dihewyd.

PRESENNOL

Cynghorwyr : Alan Henson, (Cadeirydd), Lynford Thomas, Harry Williams, Haf Hughes, Gerwyn Owen, Johnny Davies, Lyn Williams, Daniel Evans, Hywel Ifans

1. YMDDIHEURIADAU Y Cyng. Owen Llywelyn, Glyn Davies.

2. PERSONOL

Estynwyd cydymdeimlad i'r Clerc ar golli ei thad ddechrau mis Ionawr.

3. DATGELU BUDDION PERSONOL Ni ddatgelwyd buddion personol.

4. COFNODION

Cadarnhawyd cofnodion cyfarfod 10fed Rhagfyr, 2019 yn gywir. Cynigiwyd gan Y Cyng. Johnny Davies ac eiliwyd gan Y Cyng. Lynford Thomas.

5. MATERION YN CODI

i. **Arosfan Bws Cribyn** (10.ii Rhagfyr). Yn dilyn sgwrs â Tony Bretland, **penderfynwyd** gofyn i Richard Thomas i ymgymryd â'r gwaith o beintio'r arosfan. Bydd y Clerc yn cysylltu â Richard.

ii **Arwyddion Dihewyd**. (8.iv Tachwedd). Anfonwyd neges bellach at Adran y Priffyrdd yn nodi pryder ynglŷn â'r ffaith nad ydym wedi derbyn y wybodaeth a ofynwyd amdani a hyn yn golygu nad ydym yn medru cyflawni ein cynlluniau ar gyfer gwariant Praespet 2019-20. Gofynwyd i'n Cynghorydd Sir, Lynford Thomas i edrych mewn i'r mater a cheisio cael ymateb i'r ymholiad.

iii. **Band Eang Bythynnod Gwyliau**. (12.iii. Tachwedd) Ni chafwyd ymateb i'r llythyr a anfonwyd i BT(Openreach). **Penderfynwyd** i'r Clerc 'neud ymholiadau pellach er mwyn cael ymateb i'r ymholiad.

iv. **Cynrychiolaeth Llywodraethwyr Ysgol Felinfach** (12.i Hydref) Cadarnhaodd y Clerc bod y llythyr uchod wedi cyrraedd a chynigiwyd enw Y Cyng. Harry Williams i gynrychioli'r cynqor am dymor arall fel a gytunwyd yng nghyfarfod mis Hydref 2019.

6. ADRODDIAD Y CYNGHORYDD SIR

Cafwyd adroddiad gan Y Cyng. Lynford Thomas am y digwyddiadau amrywiol bu'n mynychu yn ystod misoedd Rhagfyr a Ionawr yn cynnwys agoriad swyddogol canolfan Ymatebwyr Cyntaf yn Aberaeron a Chyfarfod Rhanbarthol Un Llais Cymru yng nghwmni Comisiynydd Heddlu Dyfed Powys. Nododd y bydd codiad o 4% yng nghyllideb y Cynqor eleni ond na fyddai toriadau i staff na gwasanaethau yn sgil hynny. Cadarnhaodd hefyd bod Gwasanaeth Cerdd y Sir yn ddiogel. Soniodd hefyd am gais cynllunio A190787 Tŷ fforddiadwy Feinog Uchaf, Dihewyd a drafodwyd ac a gefnogwyd yng nghyfarfod Tachwedd 2019 sydd wedi ei gyfeirio i'r Cynulliad.

7. CYLLID

Cytunwyd i dalu'r isod:

- i. Cyflog y Clerc am fis Ionawr £153.26 (treth o £38.40 i'w dalu yng nghyfnod 4)
- ii. Costau Clerc (Hydref – Ionawr) £16.80
- iii. Mr. Michael Morgans - Ad-daliad nwyddau diffbriliwr £73.80 (TAW £12.30)
- iv. Un Llais Cymru – Aelodaeth 2020-21 £234.00.

8. CYNLLUNIO

- i. **A200036 Adeiladu 5 uned glampio Maesmynach, Cribyn.** Yn dilyn trafodaeth am y cynlluniau, penderfynwyd yn unfrydol cefnogi'r cais.

9. GOHEBIAETH.

- i. Derbyniwyd llythyron diolch wrth;
Ysgol Sul Ystrad (£300), WASPI (£25.00) Ysgol Feithrin Felinfach (£400)
Noah's Ark a Thystysgrif (£100)

10. UNRHYW FATER ARALL

- I. Mae'r dŵr ar hewl Arfryn i Bwlch yn dal i achosi problemau gyda'r tywydd oer. **Penderfynwyd** codi'r mater unwaith eto gyda'r Cyngor Sir.
- II. Tynnodd y Cyng. Lyn Williams sylw at gyflwr gwael yr arwyddbost ar droad y Capel yng Nghribyn. Penderfynwyd cysylltu ag Adran y Prifffyrdd i'w hysbysu o'i chyflwr ac y galla'i fod o beryg i'r cyhoedd pe bae'n cwmpo.
- III. **Ysgol Cribyn.** Gofynnodd y Cadeirydd i'r Cyng. Lynford Thomas am ddiweddariad ynglŷn â'r hyn sy'n digwydd i Ysgol Cribyn a disgyblion yr Uned Cyfeirio (PRU) gan fod Cymdeithas Clotas Cribyn yn defnyddio'r adeilad i gynnal lluo o weithgareddau. Cadarnhaodd Y Cyng. Thomas bod yna gynlluniau ar y gweill i gau'r Uned ond bod Mr. Barry Rees, Cyfarwyddwr Corfforaethol Cyngor Sir Ceredigion, wedi rhoi addewid pe bae'r adeilad yn cael ei werthu mai Cymdeithas Clotas Cribyn fydd yn cael y cynnig cynta'.
- IV. **A200056. Tir gyferbyn â Moiddyn Fawr.** Tynnwyd sylw at y ffaith y bydd y cais hwn yn dod i sylw y Cynghorwyr cyn bo hir.
- V. Yn dilyn marwolaeth sydyn Mr. Ken Davies, Felinfach, casglwyd cyfraniadau tuag at ddiffibrilwyr i'r ardal. Dymuniad y teulu yw i drosglwyddo'r arian i'r Cyngor Cymuned i'w weinyddu ar eu rhan. **Penderfynwyd** yn unfrydol i gysylltu â'r Archwilydd Mewnol i sicrhau nad oedd hyn yn achosi problem o ran y cyfrifon.

11. DYDDIAD A LLEOLIAD Y CYFARFOD NESAF

Nos Fawrth, 11eg Chwefror, 2020 yn Neuadd Felinfach

